



**Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt& reges Francorvm, Carolvm Martellvm, ...**

**Gretser, Jacob**

**[München], 1613**

Item exemplar Epistolæ eiusdem Papæ, ad Domnum Carolum Regem directæ, in qua contine[n]tur gratiarum actiones, pro exaltatione sanctæ Dei Ecclesiæ, & de territorio Sauinensi, quemadmosum prædictus ...

---

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

*Item exemplar Epistole eiusdem Papa, ad  
Domnum Carolum Regem directae, in qua continetur gratia-  
rum actiones, pro exaltatione sanctae Dei Ecclesiae, & de ter-  
ritorio Sauinensi, quemadmodum praedictus Rex sancto  
Petro pollicitus fuerat, quod in integro con-  
tradere iuberet.*

## LXIX.

*Summ. 14.  
Bar. &  
Cels.*



*Psal. 67.*

*Mcbr. 1.*

OMNO excellentissimo filio nostroque spiri-  
tali compatri Carolo Regi Francorum, & Lan-  
gobardorum, atque Patricio Romanorum,  
Adrianus Papa. Beatus David Rex & Propheta, Spi-  
ritu sancto repletus, pro futuri regni vestri erga beati  
Petri Apostolorum principis, sanctam Ecclesiam be-  
niuolentia; dignaque solatia ac splendidissima ruti-  
lantia orans, canit & dicit. *Manda Domine virtutem tu-  
am, confirma hoc Deus, quod operatus es in nobis à templo san-  
cto tuo, quod est in Ierusalem; tibi offerunt reges munera.* Ex  
quibus muneribus ditata spiritualis mater vestra sancta  
Catholica & Apostolica Romana Ecclesia, per vestra  
à Deo protecta laboriosa certamina, releuata exultat, à  
templo sancto B. Petri, fautoris vestri. *Confirma hoc  
Deus, quod operatus es in nobis,* crebro orantibus in vobis  
triumphum, & mandat cotidie virtutem suam per  
B. Petrum, Apostolorum principem, vobis subiiciens  
omnes barbaras nationes, dilatans atque amplius ex-  
altans in toto orbe terrarum vestrum splendidissimū  
regnum; & quoniam non valet linguae nostrae fercu-  
lum, vt dignum est, de vestro praecellso mihiq; dulcissi-  
mo amore explicare, Apostolica voce proclamamus  
dicentes: *Multifarie, multisq; modis olim Deus loquens pa-  
tribus in Prophetis, nouissime diebus istis, per vnigeniti sui*  
magni-



magnificæ operationis virtutem ostendit magnalia in orbem terrarum, donans vobis, per B. Petrum, clauigerum regni cœlorum, victorias, \* quas, dextera Dei co-<sup>\* quibus</sup>operante & protegente, multis documentis de vestris allatis muneribus, Ecclesia B. Petri enituit, tam de ciuitatibus, quam de diuersis territoriis sub integritate eidem Dei Apostolo à vobis \* offertis, & ideo poscen-<sup>\* oblatio.</sup>tes vestram à Deo promotam regalem clementiam petimus, vt sicut à vestra prærectissima excellentia, B. Petro, auctori vestro, pro luminariis concinnationibus atq; alimoniis pauperum Sauinense territorium sub integritate concessum est, ita id tradere integrum eidem Dei Apostolo, præsidante vestro præcellentissimo annisu, dignemini. Quicquid enim regni cœlorum Ianitori, B. Petro Apostolo, adfertis, in sempiterna memoria pro vobis, simulq; & præcellentissima filia nostra, & spiritali commatre Domna, Regina, & pro vestris nobilissimis atq; excellentissimis natis, necnō & pro omni Christo dilecta genealogia vestra, sacrificium purissimum atq; holocaustum diuinæ suauitatis odore fragrante in ara vestri pectoris, eius inuisibili maiestati mactatis, & pro tam magna vobis concessa à Deo super omnes Reges, per B. Petrum, gratia, nullus sit de aduersariis, qui vestro mellifluo cordi suadere valeat, ab amore B. Petri Apostoli, protectoris vestri, seu à nostra dilectione, quam vsque optantes permanemus, vt non deficiat laus vestra per totum orbem terrarum de ore hominum, victorias vobis à D E O concessas prædicantium ac disfamantium.

Magnoperè enim direximus vestræ regali potentiaæ fidelissimos Missos nostros, videlicet dilectissimū

h 3

fili-



filium nostrum Agathonem Diaconum, seu Theodorum eminentissimum consulem, & ducem nostrumque nepotem, qui vice nostra vobis enucleatius, sicut eius in ore posuimus poscentes suggerant; quos petimus, pro amore B. Petri Apostoli, benignè cum nimio amore eos suscipere, & illis pro causis B. Petri, principis Apostolorum, vestrae à Deo protectae regali potentiae suggerentibus dignemini obaudire preces, ut dum à vobis remeauerint, & nobis vestram renuntiauerint prosperitatem, referentes, simul de causis eiusdem Dei Apostoli effectum, & noster pro hoc releuatus fuerit animus; dignè valeamus cum Prophetis psallentes orare: *Domine saluum fac regem, & exaudi nos in die qua inuocauerimus te.* Omnipotens itaque DEVS in vobis gratiam suam, quam coepit perficiat, atque vitam vestram, vna cum praecellentissima filia nostra, & spiritali commatre, Domna Regina, vestraque nobilissima prole, & hic per multorum annorum circula extendat: simul gubernacula annuat in ampliori culmine victoriis perfrui, & post longa tempora, senioque\* profecto, in coelestis vos patriae congregationem recipiat, ut ibidem sine fine regnare mereamini. Incolumem excellentiam vestram gratia superna custodiat.

*Psalm. 19.*

\* *profecto.*



*Item*